

Омгшрулгч документ

Алдр Октябрьск социалистическ революци 40-ч джилд нерәдгдсн, КПСС-н ЦК-н пропагандин болн агитацин отделин, КПСС-н ЦК-д бәәдг марксизм-ленинизм институтин тезисмүд, одахн мана газетд барлгдв. Эн документ ик политическ чинр зуулжәнә.

Советск йосн тогтад 40 джил болсна хббн, мана орн-нутг ягъдж чанъгърдж батрсн болна, ямаран элдү ик кбдлмш делгрүлсн болна, тер ноолдана болн диилврин алдр хаалгын тускар тезисмүд келджәнә.

Коммунистическ партин гардврт, 40 джилин туршарт советск олн-әмтн хаалгъдан харгъсн кесг олн-зүсн зовлнъгиг, түрү-зүдү йовдлмудиг залу чиирг кевәр гүдждж уга кегъад, эврәнн социалистическ Төрскән, орчлнъгд гәәхмдж болгч агъу ик күчтә государствд хүврәв.

Мана социалистическ государствин чидл-күчнъ ббдлгын—иньгүдин седкл байрлулна, советск улст байр, бахмдж болна, бшәтнрт болхла, теднә омгинь буурулна, урмдинь хәрүлнә.

Социалистическ революци 40-ч ббниг тослгын—советск олн-әмтнд, цуг прогрессивн күмн әмтнд ик байрта, эркн чинртә йовдл болджана. Тер тбләд чигн эн ббниг нертә кевәр, күчтә олн производственин диилврәр тослгын—цуг советск олн-әмтнә цугъараннъ эндрк бдрәнн тәрмүд болв.

Алдр Октябрьск социалистическ революци 40-ч джилд нерәддж гаргъгдсн КПСС-н ЦК-н пропагандин болн агитацин Отделин, КПСС-н ЦК-д бәәдг марксизм-ленинизм институтин тезисмүд,—советск олн-әмтнә 40 джилин нертә героическ хаалгын болн ноолданд дамшсн, Коммунистическ партин гардврт бәрдж, күцәд авсн, мана орн-нутгт коммунизм тосхджделгрүллгәнә хаалгъд күцәгдсн алдр ик диилврмүдин итклтә диг-дарагынъ үзүлджәнә.

Советск олн-әмтн эн тезисмүдиг ик байртагъар тосцхав.

40 джилин туршарт мана орн-нутгин күч-кблсчир, нерән туурулсн Коммунистическ партин гардврт, эврәнн социалистическ государствиг улм батрулхин тускар, олн-әмтнәнн сә хәәдж, джиргълинъ ясрулхин тускар йир ик, элвг кбдлмш кецхәв.

Ленинә заасн зааврмудиг, туунә герәсиг күцәлгънд, коммунизмнн хаалгъд диилврмүд бәрлгънд, тер алдр ноол-аг толгъалдж гардсн—со-

ветск олн-әмтнә вождъ, хамг диилврмүдиг цугъарагынъ бурдәдж күцәсн Коммунистическ партъ билә. Коммунистическ партъ олн-әмтиг хурадж, тедниг ницүлдж, ханьцулдж, сургъмдж бгч, шинәс кесг олн диилврмүд бәрхин тблә зүткмджтә ноолда бурдәнә.

Советск йосн тогтад ода кесг олн джилмүд болчксн хббн, бәәсн джиргъл-бәәдлмдн онъгдардж, лавтагъар хуврдж ярсна хббн, советск йосна кемджән уга нилчнъ, ач-туснъ кенд болвчн лавтагъар медгдджәнә.

Промышленностин гаргъдг эд-таврин кемджәнъ, 1957 джил, урдк, хаана цагин, 1913 джилин гарцла дунъгцүлхлә, бдгә, советск цагла 33 холван даву болна. Машид келгәнә производств нег үлү бсдж, ббдлв. 1913 джилинәр болхла, 1957 джил 74 холван ббдлв.

Цуг эн джилмүдин туршарт, күнд промышленность делгрүллгъиг, мана Коммунистическ партъ толгъа тбр гидж тәвджд йовсн. Эдү мет цуг наадк олн-зүсн промышленность эн гол тбрән дахдж, бас элвгәр делгрв. Олн-әмтнә эдл-уш гаргългъна производствин кемджәнъ 1913-ч джилин кецәс ода болхла 13 холван бсв.

Селәнә эдл-аху бас икәр ббдлдж бсв. Урднъ, коллективизац болхин бмн бәәцхәсн 25 сай крестьянск уурмг эдл-ахусин ормд ода бмн-нүүрт йовгч сән техникәр агсгдсн кесг олн күчтә-күчтә колхозмуд болн совхозмуд бурдәгдихәв. Тәрә тәрлгәнә газрин кемджәнъ бас кесг холван бсв.

КПСС-н ЦК-н пропагандин болн агитацин отделин, КПСС-н ЦК-д бәәдг марксизм-ленинизм институтин тезисмүдиг олнд күргджд цәәлгъәж бгхләрн, мана лектормуд, пропагандистнр болн агитатормуд, советск олн-әмтнә эн олн диилврмүдиг, ямаран олн-зүсн зовлнъ, күнд йовдлмуд уга кедж күцсн болна, тер тоотиг әмтнд гүүнәр, сәәнәр цәәлгъджд келджд бгцхәх учрта.

Тезисмүдиг олнд тархадж, тедн дунд делгү цәәлгъврин кбдлмш кеснә учрар, олн-әмтнә производственин болн политическ бргмджднъ шинәс улм ббдлхнъ мел лавта. Партийн болн советск организацсин эркн тбрнъ—олн-әмтнә ним ик омгиг, бргмджиг олзлдж, Алдр Октябрьск социалистическ ревлюци 40-ч ббниг уктджд шинәс кесг олн производственин диилврмүд күцлгън мбн.